

LEMBAGA URUS AIR SELANGOR  
(UNIT KORPORAT)

AKHBAR : SINAR HARIAN

TARIKH : 13 NOVEMBER 2020

KERATAN AKHBAR

# 'Ada pihak sengaja cemar air'

MB dakwa ada cubaan sabotaj untuk jatuhkan imej kerajaan Selangor

SHAH ALAM

**K**erajaan Selangor menyifatkan insiden pencemaran air sehingga menyebabkan

gangguan bekalan kepada penduduk di Lembah Klang sengaja dilakukan pihak tertentu bagi memburuk-burukkan imej pentadbiran negeri itu.

Menteri Besar Selangor, Datuk Seri Amirudin Shari berkata, pihaknya tidak akan berputus asa melakukan penguatkuasaan secara berterusan bagi menentang golongan itu yang telah

## ISU AIR DI SELANGOR

banyak menyebabkan kesusahan kepada rakyat.

"Seperti kes pencemaran terbaru pada Selasa lepas, premis yang disyaki menjadi lokasi pembuangan sisa bahan kimia difahamkan baru sahaja disewa dua minggu lepas dan saya yakin, ini merupakan tindakan sengaja oleh sesetengah pihak untuk menjejaskan imej kerajaan negeri.

"Saya memohon semua pihak berkuasa termasuk polis untuk bekerjasama kerana kuasa kerajaan negeri adalah terhad," katanya ketika diminta mengulas tindakan pentadbiran itu terhadap kilang yang didapati mencemar sumber air di Selangor.

Beliau berkata demikian kepada pemberita selepas merasmikan inisiatif E-Bazar Deepavali dan Program Pembangunan Usahawan India Selangor (Sitham) Yayasan Hijrah Selangor di sini semalam.

Amirudin berkata, pihaknya telah mengheret beberapa pemilik kilang yang berlesen ke mahkamah kerana mengakibatkan pencemaran kepada sumber air.



Amirudin (dua dari kanan) pada majlis perasmian E-Bazar Deepavali dan Program Pembangunan Usahawan India Selangor (Sitham) Yayasan Hijrah Selangor di Bangunan Setiausaha Kerajaan Negeri Selangor semalam.

"Seperti contoh baru-baru ini, sebuah kilang di Kundang, Rawang milik seorang pengurusan persatuan telah didakwa kerana melakukan pencemaran. Jika ia dilakukan oleh kilang haram, kita akan arahkan ia ditutup seperti yang dilakukan ke atas sebuah kilang di Sungai Gong," katanya.

Selangor dan Lembah Klang mengalami beberapa siri gangguan bekalan air sepanjang tahun ini ekoran pencemaran sungai dengan yang terbaru pada Selasa lepas sehingga menimbulkan pelbagai reaksi rakyat yang rata-rata meluahkan perasaan marah di media sosial. - Bernama

## 87 peratus kawasan terjejas terima bekalan air sepenuhnya

**KUALA LUMPUR** - Sejumlah 1,110 atau 87 peratus kawasan yang mengalami gangguan bekalan air di Kuala Lumpur, Putrajaya dan Selangor menerima bekalan air sepenuhnya setakat jam 3 petang semalam.

Ketua Pegawai Eksekutif Pengurusan Air Selangor (Air Selangor), Suhaimi Kamaralzaman berkata, baki 169 kawasan akan menerima bekalan air secara berperingkat dan gangguan itu dijangka pulih sepenuhnya pada jam 3 petang hari ini.

"Air Selangor juga ingin menekankan bahawa air yang dibekalkan kepada pengguna telah melalui ujian kualiti air dan mematuhi standard Kementerian Kesihatan," katanya dalam satu kenyataan di sini semalam.

Gangguan itu berlaku susulan henti tugas Loji Rawatan Air (LRA) Sungai Selangor Fasa 1, 2, 3 serta Rantau Panjang akibat pencemaran pada Selasa dan bekalan mula disalurkan kepada pengguna secara berperingkat sejak kelmarin. - Bernama

UNIT KORPORAT

TINGKAT 13, BANGUNAN DARUL EHSAN,  
NO.3, JALAN INDAH, SEKSYEN 14, 40000 SHAH ALAM  
TELEFON:03-55111800 / FAX:03-55101800

LEMBAGA URUS AIR SELANGOR  
(UNIT KORPORAT)

---